



SAKSPAPIR

Saksnr	Utval	Type	Dato
42/2022	Formannskap/plan- og økonomiutvalet	PS	26.04.2022

Sakshandsamar	Arkiv	ArkivsakID
Tore Henrik Øye		22/308

HANDSAMING AV SØKNAD OM VILTFONDSMIDLAR TIL INNKJØP AV BYGGJERDE FOR Å SKJERME RUNDBALLAR FOR BEITING FRÅ HJORT

Vedlegg:

Søknad bygg gjerde hjort
Bygg 10, 12, og 19
T113051

Kommunedirektøren sitt framlegg til vedtak:

Formannskapet i Vaksdal kommune løyver inntil kr. 46 890,- i viltfondsmidlar til føretaket Dan Børge Høvik for innkjøp av byggjerde som tiltak mot beiteskadar frå hjort på lagra vinterfôr (rundballar).

Vedtaket er gjort i medhald av «Forskrift om kommunale og fylkeskommunale viltfond og fellingsavgifter for elg og hjort» § 5 a, og med bakgrunn i vedtektene til Vaksdal viltfond, pkt. 5.

Tilskotet vert betalt ut på bakgrunn av faktura/dokumentert kostnad.

Formannskap/plan- og økonomiutvalet - Sak 42/2022

FPØ - Behandling:

Kommunedirektøren sitt framlegg til vedtak vart samrøystes vedteke.

FPØ - Tilråding/Vedtak:

Formannskapet i Vaksdal kommune løyver inntil kr. 46 890,- i viltfondsmidlar til føretaket Dan Børge Høvik for innkjøp av byggjerde som tiltak mot beiteskadar frå hjort på lagra vinterfôr (rundballar).

Vedtaket er gjort i medhald av «Forskrift om kommunale og fylkeskommunale viltfond og fellingsavgifter for elg og hjort» § 5 a, og med bakgrunn i vedtektene til Vaksdal viltfond, pkt. 5.

Tilskotet vert betalt ut på bakgrunn av faktura/dokumentert kostnad.

Saksopplysningar:

Samandrag/konklusjon (kort om saka)

Vaksdal kommune sitt viltfond skal nyttast til å fremje viltforvaltning i tråd med vedtekne vedtekter, og innanfor ramma av tilgjengelege midlar.

Formannskapet i Vaksdal kommune er viltnemnd, og tek stilling til løyving etter administrativ innstilling.

Skadeførebyggjande tiltak mot hjorteskadar kan finansierast gjennom viltfondet.

Føretaket Dan Børge Høvik har søkt om kr. 46 890,- til byggjerde for å skjerme lagra vinterfôr mot beiting frå hjort.

Kommunedirektøren finn at søknaden frå føretaket er i tråd med fondsføreålet, og går inn for å løyve kr. 46 890,- i tilskot, i samsvar med søknaden.

Bakgrunn for saka

Viltfondet for Vaksdal kommune skal nyttast til viltfremjande tiltak, i tråd med statleg forskrift og fondet sine vedtekter. Formannskapet utgjør viltfondet, og fattar vedtak etter innstilling frå administrasjonen.

Føretaket Dan Børge Høvik, med gbnr. 54/3 på Høvik i Eksingedalen som driftssenter, søker om kr. 46 890,- i viltfondsmidlar til innkjøp av byggjerde. Gjerdet skal nyttast rundt vintefôret (rundballar) til storfe, for å hindre beiting frå hjort, med påfølgjande tap og skadar.

Søklar driv med mjølke- og kjøtproduksjon i stor målestokk, med kring 60 mjølkekyr og 130 øvrige storfe per 01.03.22. I dette høvet er det stort behov for mykje og godt grovfôr, og føretaket haustar gras frå 17 gardar i kommunen, frå Eidslandet til Flatekval, og 3 stk. i Modalen. Dette gjev om lag 1 600 rundballar per vekstsesong. Desse vert lagra kring driftssenteret, sjå vedlagt flyfoto til søknaden.

Føretaket nemner at hjorten opnar minst ein rundballe kvar natt i vinterhalvåret, og peikar på høg/veksande hjortebestand som hovudårsak til skadane på grovfôret, med tapt fôr, redusert kvalitet og økonomisk tap som resultat.

Søklar meiner at byggjerde rundt lagringsplassane vil gjere situasjonen betre, og ser på viltfondsmidlar som ei naturleg finansieringskjelde, sidan midlane kan nyttast til tiltak mot hjorteskadar. I dette høvet vert det nemnd at innbetaling av fellingsavgifter frå felte dyr i området der føretaket slår, utgjorde kring kr. 40 000,- i perioden 2019-2021.

Innhenta pristilbod viser at inngjerding av aktuelle areal vil koste kr. 39 990,-, pluss kr. 6 900,- i fraktkostnader, totalt kr. 46 890,- eks mva. Pristilbod og typeskildring går fram av vedlegg. Det vert søkt om 100 % i finansiering.

Formelt grunnlag

- «Forskrift om forvaltning av hjortevilt».
- «Forskrift om kommunale og fylkeskommunale viltfond og fellingsavgift for elg og hjort».
- Vedtekter for Vaksdal viltfond av 17.12.01, jf. sak 0116/01

Vurdering og konsekvensar

I følgje forskrift om kommunale og interkommunale viltfond § 1, er føremålet med viltfondet å skape økonomisk handlingsrom for å fremje viltforvaltning i kommunen.

I følgje forskifta kan fondet mellom anna nyttast til tiltak som førebyggjer skadar for landbruksnæringa, mellom anna frå hjortevilt.

Tradisjonelt sett har det vore mest vanleg å gje tilskot til hjortegjerde rundt graseng for å hindre beiteskadar på innmark. Men etter kvart som stadig fleire hjortar overvintrar i Eksingedalen, vert problematikken knytt til skadar på lagra vinterfôr, meir aktualisert. I dette høvet står det att mange dyr i området kring Høvik om vinteren.

Kommunedirektøren meiner det er naturleg å inkludere skadar på vinterfôr ved vurdering av viltfondsmidlar til skadereduserande tiltak. Samstundes bør ei slik vurdring sjåast ut frå produksjonsvolum og skadeomfang, med påfølgjande verknad for næringsretta drift. Her bør føretak som har dei største ulempene, og få alternative lagringsplassar, prioriterast høgast. Søkjar høyrer til i denne gruppa.

I følgje punkt 4 i fondsvedtektene, skal fondet sin bunde grunnkapital vere kr. 100 000,-. Kapital ut over dette er frie fondsmidlar.

Saldoen per 01.04.21 var kring kr. 656 000,-. Tilgjengeleg kapital gjev soleis rom for å løyve tilskot til søkjar. I dette høvet går Kommunedirektøren inn for å løyve kr. 46 890,- til tiltaket (100 % finansiering), i samsvar med søknaden.

Konklusjon

Kommunedirektøren vurderer at tildeling av tilskot til gjerde for å skjerme vinterfôret mot beiteskadar frå hjort, er innanfor føremålet og verkemiddelbruken til viltfondet, jf. § 1 og 5. Det vert òg funne grunnlag for å løyve tilskot i høve tilgjengelege fondsmidlar og framtidig, økonomisk handlingrom.